

INUIT ATAQATIGIIT INATSIARTUNI



UKA2025/94

16/10

Paarma Lund Kreutzmann

Isertitat annertussusaat malillugit utoqqalinermi soraarnerussutisiat ilanngarneqartarunnaarlutilluunniit atorunnaarsinneqartarunnaarsillugit, Naalakkersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik Inatsisartunut aalajangiiffigisassatut siunnersuut. Allaannguutissatut siunnersuut UKA 2026-mi saqqummiunneqassaaq.

(Inatsisartunut ilaasortaq Mariane Paviassen Jensen , Inuit Ataqatigiit)

Oqaaseqaat.

Nunatsinni utoqqalisartut amerliartorput. Utoqqaat amerlasuut sulii pisinnaalluarualutik soraarninngorlutik suliuunnaartarput.

Tamatumunnga utoqqalinersiaqarsinnaanissamut piumasaqaatit aallaaviusarput, saniatigut isertitaqarsinnaaneq killeqartinneqarmat utoqqalinersianik pisarniaraani.

Utoqqaat sulii sulilluarsinnaagalutik suliuunnaartarnerat nunatsinnut inuiaqatigiinnullu annaasaqaataasarpoq uggornartoq, sulisut aalajaatsut misilittagaqarluartullu atorneqarunnaartarmata.

Assersuutigalugu peqqinnissaqarfimmi, meeqqerivinni allaniluunniit atorluarneqarsinnaagaluartut suliuunnaarnissamik toqqaasariaqalersarput, sulinikkut isertinneqarsinnaasut utoqqalinersiaqarsinnaanerlu killilimmik taamaallaat pisinnaammata, amerlasuut suliuunnaarnissamik toqqaasariaqalersartut paasinarpoq.

Inuussutissat inuuniarnerlu oqitsorsiorfiunngillat minnerunngitsumik utoqqalinersiallit eqqarsaatigalugit. Utoqqartagut amerlasuut periarfissinniartigit, sulisinnaagallartillutik sulisinnaasasut utoqqalinersiaminnit ilanngartuuneqaratik. Isumaqarpugut taama iliorntsigit innuttaasut amerlasuut atugarissaarnerulersissinnaagigut. Toqqissisimanerunermik naleqassusermillu pilersitsissaaq, allaffissornermillu annikillisaataasalluni.

Utoqqartagut atugarissaarnerulersinnaannerannik periarfissitsigit, pisinnaasunut sulineq peqqinnarpoq nunatsinnut inuiaqatigiinnullu iluaqusiisussaq. Utoqqalineq piffissaasussavaq nuannersoq, taamaammat utoqqarnut atugassarititat pitsanngorsartuartaqarpagut.

INUIT ATAQATIGIIT INATSIARTUNI



Siunnersuut Inuit Ataqatigiinniit taama isikkoqartillugu taperserparput, piaartumillu pivirusunngortinnissaasulissutigineqassasoq kissaatigaarput.